

後魏鄆道元撰

陰溝水 汭水 獲水

陰溝本出河南陽武縣蒗蕩渠

陰溝首受大河于卷縣故瀆東南逕卷縣故城南又東逕蒙城北史記秦莊襄王元年蒙騫擊取成皋滎陽初置三川郡疑卽騫所築也于事未詳故瀆東分爲二世謂之陰溝水京相璠以爲出河之濟又非所究俱東絕濟隧右瀆東南逕陽武城北東南絕長城逕安亭北又東北會左瀆左瀆又東絕長城逕垣雍城南昔晉文公戰勝于楚周襄王勞之于此故春秋書甲午至于衡雝作王宮于踐土呂

水經注匯校 卷二十三

氏春秋曰尊天子于衡雝者也郡國志曰卷縣有垣雝城卽史記所記韓獻秦垣雍是也又東逕開光亭南又東逕清陽亭南又東合右瀆又東南逕封丘縣絕濟瀆東南至大梁合蒗蕩渠梁溝既開蒗蕩渠故瀆寔兼陰溝浚儀之稱故云出陽武矣東南逕大梁城北左屈與梁溝合俱東南流同受鴻溝沙水之目其川流之會左瀆東導者卽汭水也蓋津源之變名矣故經云陰溝出蒗蕩渠也

東南至浦爲過水

陰溝始亂蒗蕩終別于沙而過水出焉過水受沙水于扶溝縣許慎又曰過水首受淮陽扶溝縣蒗蕩渠不得至沛方爲過水也

案此二十五字原本及近刻並訛在後老子生于曲過間之下過水又屈東逕相縣故城

南之爾雅曰過爲洵郭景純曰大水洸爲小水也呂忱曰洵過水也。過水逕大扶城西城之東北。悉諸袁舊墓碑。字傾低。羊虎碎折。惟司徒滂蜀郡太守騰博平合光碑字所存。惟此自餘殆不可尋。過水又東南逕陽夏縣西。又東逕邈城北城實中。而西有隙郭。過水又東逕大棘城南。故鄢之大棘鄉也。春秋宣公二年宋華元與鄭公子歸生戰于大棘。獲華元。左傳曰華元殺羊食士。不及其御。將戰羊斟曰疇昔之羊子爲政。今日之事我爲政。遂御入鄭。故見獲焉。後其地爲楚莊所并。故圈稱曰大棘。楚地有楚太子建之墳。及伍員釣臺池沼。具存。過水又東過安平縣故城北。陳留風俗傳曰大棘鄉故安平縣也。士人敦憲。易以統御。

水經注匯校

卷二十三

二

過水又東逕鹿邑城北。世謂之虎鄉城。非也。春秋之鳴鹿矣。杜預曰陳國武平西南有鹿邑亭是也。城南十里有晉中散大夫胡均碑。元康八年立。過水之北有漢温令許續碑。續字嗣公。陳國人也。舉賢良。拜議郎。遷温令。延熹中立。過水又東逕武平縣故城北。城之西南七里許有漢尙書令虞詡碑。題云虞君之碑。諱詡。字定安。虞仲之後。爲朝歌令。武都大守。文字多缺。不復可尋。按范曄漢書詡字升卿。陳國武平人。祖爲縣獄吏。治存寬恕。嘗曰于公爲里門子。爲丞相。吾雖不及于公子孫。不必不爲九卿。故字詡曰升卿。定安蓋其幼字也。魏武王初封于此。終以武平華夏矣。過水又東逕廣鄉城北。圈稱曰襄邑。有蛇丘亭。故廣鄉。

矣改曰廣世後漢順帝陽嘉四年封侍中摯填爲侯國卽
廣鄉也。澗水又東逕苦縣西南分爲二水枝流東北注于
賴城入谷謂死澗也。澗水又東南屈逕苦縣故城南郡國
志曰春秋之相也王莽更名之曰賴陵矣城之四門列築
馳道東起賴鄉南自南門越水直指故臺西面南門列道
徑趣廣鄉道西門馳道西屆武平北門馳道暨于北臺澗
水又東北屈至賴鄉西谷水注之谷水首受渙水于襄邑
縣東東徑承匡城東春秋經書夏叔仲彭生會晉卻缺于
承匡左傳曰謀諸侯之從楚者京相璠曰今陳留襄邑西
三十里有故承匡城谷水又東南逕已吾縣故城西陳留
風俗傳曰縣故宋也雜以陳楚之地故梁國寧陵縣之徒

種龍鄉也以成哀之世戶至八九千冠帶之徒求置縣矣
永元十一年陳王削地以大棘鄉直陽鄉十二年自鄢隸
之命以嘉名曰已吾猶有陳楚之俗焉谷水又東逕柘縣
故城東地理志淮陽之屬縣也城內有柘令許君清德頌
石碎字紊惟此文見碑城西南里許有漢陽臺令許叔種
碑光和中立又有漢故樂成陵令太尉掾許嬰碑嬰字虞
卿司隸校尉之子建寧元年立餘碑文字碎滅不復可觀
當似司隸諸碑也谷水又東逕苦縣故城中水汎則四周
隍塹耗則孤津獨逝谷水又東逕賴鄉城南其城實中東
北隅有臺偏高俗以是臺在谷水北其城又謂之谷陽臺
非也谷水自此東入澗水澗水又北逕老子廟東廟前有

二碑在南門外。漢桓帝遣中官管霸祠老子，命陳相邊韶撰文。碑北有雙石闕，甚整頓。石闕南側，魏文帝黃初三年，經譙所勒。闕北東側有孔子廟，廟前有一碑，西面是陳相魯國孔疇。建和三年立。北則老君廟，廟東院中有九井焉。又北，過水之側，又有李母廟，廟在老子廟北。廟前有李母冢。冢東有碑，是永興元年譙令長沙王阜所立。碑云：老子生于曲澗，澗水又屈東逕相縣故城南，其城卑小，實中邊韶老子碑文云：老子楚相縣人也，相縣虛荒，今屬苦。故城猶存在，賴鄉之東，澗水處其陽，疑卽此城也。自是無郭，以應之。澗水又東逕譙縣故城北。春秋左傳：僖公二十二年，楚成得臣帥師伐陳，遂取譙，城頓而還是也。王莽之延

水經注匯校

卷二十三

四

成亭也。魏立譙郡，沱州治沙水，自南枝分北逕譙城西而北。注：過澗水四周，城側城南有曹嵩冢。冢北有碑，碑北有廟堂，餘基尙存。柱礎仍在。廟北有二石闕，雙峙高一丈六尺，棖櫺及柱皆雕鏤雲矩。上學恩已碎。闕北有圭碑，題云：漢故中常侍長樂太僕特進費亭侯曹君之碑。延熹三年立。碑陰又刊詔策二碑文，同夾碑東西列對。兩石馬，高一丈八尺五寸，石作麤拙，不匹光武隧道所表象馬也。有騰兒冢。冢東有碑，題云：漢故潁川太守曹君墓。延熹九年卒，而不刊。樹碑歲月。趙氏一清曰：按魏志曹仁傳，裴松之註引魏書曰：仁祖褒潁川太守斯其人也。仁太祖從弟。墳北有其元子熾冢。冢東有碑，題云：漢故長水校尉曹君之碑。歷大中大夫司馬長史侍中，遷長水年三十九卒。

熹平六年城第肩冢冢東有碑題云漢謁者曹君之碑熹平六年立。東有曹太祖舊宅所在。負郭對廛。側隍臨水。魏書曰太祖作議郎告疾歸鄉里築室城外春夏習讀書傳秋冬射獵以自娛樂文帝以漢中平四年生于此上有青雲如車蓋終日乃解卽是處也。後文帝以延康元年幸譙大饗父老立壇于故宅壇前樹碑碑題云大饗之碑碑之東北過水南有譙定王司馬士會冢冢前有碑晉永嘉三年立碑南二百許步有兩石柱高丈餘半下爲束竹交文作制極工石榜云晉故使持節散騎常侍都督揚州江州諸軍事安東大將軍譙定王河內溫司馬公墓之神道。過水又東逕朱龜墓北東南流冢南枕道有碑碑題云

水經注匯校

卷二十三

五

漢故幽州刺史朱君之碑龜字伯靈光和六年卒官故史別駕從事史右北平無終年化。何云年是人姓隸釋作牟中平二年造碑陰刊故吏姓名悉薊涿及上谷北平等入。過水東南逕層丘北丘阜獨秀巍然介立故壁壘所在也。過水又東南逕城父縣故城北沙水枝分注之水上承沙水于思善縣世謂之章水故有章頭之名也。東北流逕城父縣故城西高城東北流入于過。過水又東逕下城父北郡國志曰山桑縣有下城父聚者也。過水又屈逕其聚東郎山西又東南屈逕郎山南山東有垂惠聚世謂之禮城袁山松郡國志曰山桑縣有垂惠聚卽此城也。過水又東南逕過陽城北臨側過水。案注內言臨側者不一朱魏太和中爲過州謀瑋云當作側臨非也

治以蓋表為刺史後罷州立郡案朱謀璋云舊本作立碑作郡非吳所改衿帶邊戍。過水又東南逕龍亢縣故城南漢建武十三年世祖封傅昌為侯國故語曰沛國龍亢至山桑者也。過水又屈而南流出石梁梁石崩褫夾岸積石高二丈水厯其間又東南流逕荆山北而東流注也。

又東南至下邳淮陵縣入于淮

過水又東左台北肥水北肥水出山桑縣西北澤藪東南流左右翼佩數源異出同歸蓋微脈涓注耳東南流逕山桑邑南俗謂之北平城昔文欽之封山桑侯疑食邑于此城東南有一碑碑文悉破無驗惟背故吏姓名尙存熹平元年義士門生沛國蕭劉定興立北肥水又東逕山桑

水經注匯校

卷二十三

六

縣故城南俗謂之都亭非也今城內東側猶有山亭築立陵阜高峻非洪臺所擬十三州志所謂山生于邑其亭有桑因以氏縣者也郭城東有文穆冢碑三世二千石穆郡戶曹史徵試博士太常丞以明氣候擢拜侍中右中郎將遷九江彭城陳留三郡光和中卒故吏涿郡太守彭城呂虔等立北肥水又東積而為陂謂之瑕陂陂水又東南逕瑕城南春秋左傳成公十六年楚師還及瑕卽此城也故京相璠曰瑕楚地北肥水又東南逕向縣故城南地理志曰故向國也世本曰許州向申姜姓也炎帝後京相璠曰向沛國縣今并屬譙國龍亢也杜預曰龍亢縣東有向城漢世祖建武十三年更封富波侯王霸為侯國卽此城也

俗謂之圓城非又東南逕義成南世謂之楮城非又東入于過澗水又東注淮經言下邳淮陵入淮誤矣
汭水出陰溝于浚儀縣北

陰溝卽蒗蕩渠也亦言汭受蒗然水又云丹沁亂流于武德絕河南入滎陽合汭故汭兼丹水之稱河濟水斷汭承蒗然而東自王賁灌大梁水出縣南而不逕其北夏水洪汎則是瀆津通故渠卽陰溝也于大梁北又曰浚水矣故圈稱著陳留風俗傳曰浚水逕其北者也又東汭水出焉故經云汭出陰溝于浚儀縣北也汭水東逕倉垣城南卽浚儀縣之倉垣亭也城臨汭水陳留相畢邈治此征東將軍荀晞之西也邈走歸京晞使司馬東萊王讚代據倉垣

水經注匯校

卷二十三

七

斷留運漕汭水又東逕陳留縣之餅鄉亭北陳留風俗傳所謂縣有餅鄉亭卽斯亭也汭水又逕小黃縣故城南神仙傳稱靈壽光扶風人死于江陵胡罔家罔殯埋之後百餘日人有見光于此縣寄書與罔罔發視之惟有履存汭水又東逕鳴鴈亭南春秋左傳成公十六年衛侯伐鄭至于鳴鴈者也杜預釋地云在雍丘縣西北今俗人尙謂之爲白鴈亭汭水又東逕雍丘縣故城北逕陽樂城南西征記曰城在汭北一里周五里雍丘縣界汭水又東有故渠出焉南通睢水謂之董生決或言董氏作亂引水南通睢水故斯水受名焉今無水汭水又東枝津出焉俗名之爲落架口西征記曰落架水名也續述征記曰在董生決下

二里。汧水又逕外黃縣南。又東逕莠倉城北。續述征記曰：莠倉城去大游墓二十里。又東逕大齊城南。陳留風俗傳曰：縣有科稟亭，是則科稟亭也。汧水又東逕小齊城南。汧水又南逕利望亭南。風俗傳曰：故成安也。地理志：陳留縣名。漢武帝以封韓延年為侯國。汧水又東，龍門故瀆出焉。瀆舊通。雖水故西。征記曰：龍門水名也。門北有土臺高三丈餘，上方數十步。汧水又東逕濟陽。考城縣故城南為菑，獲渠考城縣周之采邑也。于春秋為戴國矣。左傳：隱公十年秋，宋衛蔡伐戴，是也。漢高帝十一年秋，封彭祖為侯國。陳留風俗傳曰：秦之穀縣也。後遭漢兵起邑，多災年，故改曰菑縣。

水經注匯校

卷二十三

八

王莽更名嘉穀。章帝東巡過縣，詔曰：陳留菑縣，其名不善。高祖鄙柏人之邑。世宗休聞喜而顯，獲嘉應。亭，吉元符。嘉皇靈之顧賜。越有光烈考武皇，其改菑縣曰考城。是瀆蓋因縣以獲名矣。汧水又東逕寧陵縣之沙陽亭北。故沙隨國矣。春秋左傳：成公十六年秋，會于沙隨。謀伐鄭也。杜預釋地曰：在梁國寧陵縣北。沙陽亭是也。世以為堂城，非也。汧水又東逕黃蒿塢北。續述征記曰：堂城至黃蒿二十里。汧水又東逕斜城下。續述征記曰：黃蒿到斜城五里。陳留風俗傳曰：考城縣有斜亭。汧水又東逕周塢側。續述征記曰：斜城東三里。晉義熙中，劉公遣周超之自彭城緣汧，故溝斬樹穿道七百餘里，以開水路，停泊于此。故茲塢流。

矣。汧水又東逕葛城北。故葛伯之國也。孟子曰：葛伯不祀，湯問曰：何為不祀？稱無以供祠祭，遣葛伯。葛伯又不祀，湯又問之曰：無以供犧牲，湯又遣之。又不祀，湯又問之曰：無以供粢盛，湯使亳眾往為之耕，老弱饋食。葛伯又率民奪之不授者，則殺之。湯乃伐葛。葛于六國屬。魏魏安釐王以封公子無忌，號信陵君。其地葛鄉，卽是城也。在寧陵縣西十里。汧水又東逕神坑塢，又東逕夏侯長塢。續述征記曰：夏侯塢至周塢各相距五里。汧水又東逕梁國睢陽縣故城北，而東歷襄鄉塢。南續述征記曰：西去夏侯塢二十里，東一里，卽襄鄉浮圖也。汧水逕其南。漢熹平中，某君所立死，因葬之。其第刻石樹碑，以旌厥德。隧前有獅子、天鹿，累

水經注匯校 卷二十三

塢作百，達柱八所，荒蕪頽毀，彫落略盡矣。

又東至梁郡蒙縣為獲水。案獲原本訛作睢，近刻訛作濰，考後獲水出汧水于梁郡蒙縣北，而睢水出梁郡鄆縣，可證此。乃為獲水甚明，今改正。餘波南入睢陽城中。

汧水又東逕貫城南，俗謂之薄城，非也。關駟十三州志以為貫城也。在蒙縣西北。春秋僖公二年，齊侯宋公江黃盟于貫，杜預以為貫也。云貫貫字相似，貫在齊謂貫澤也是矣。非此也。今于此地更無他城。在蒙西北，惟是邑耳。考文準地貫邑明矣。非毫可知。汧水又東逕蒙縣故城北，俗謂之小蒙城也。西征記城在汧水南十五六里，卽莊周之本邑也。為蒙之漆園。吏郭景純所謂漆園有傲吏者也。悼惠施之沒，杜門于此邑矣。汧水自縣南出，今無復有水。惟睢

陽城南側有小水南流入于睢城南二里有漢太傅掾橋載墓碑載字元賓梁國睢陽人也睢陽公子熹平五年立城東百步有石室刊云漢鴻臚橋仁祠城北五里有石虎石柱而無碑誌不知何時建也汜水又東逕大蒙城北自古不聞有二蒙疑卽蒙亳也所謂景薄爲北亳矣椒舉云商湯有景亳之命者也關駟曰湯都也亳本帝嚳之墟在禹貢豫州河洛之間今河南偃師城西二十里尸鄉亭是也皇甫謐以爲考之事實學者失之如孟子之言湯居亳與葛爲鄰是卽亳與葛比也湯地七十里又伯耳封域有限而寧陵去偃師八百里不得童子饋餉而爲之耕今梁國自有二亳南亳在穀熟北亳在蒙非偃師也古文仲

虺之誥曰葛伯仇餉征自葛始卽孟子之言是也崔駟曰湯冢在濟陰薄縣北皇覽曰薄城北郭東三里平地有湯冢冢四方各十步高七尺上平也漢哀帝建平元年大司空史卻長卿按行水災因行湯冢在漢屬扶風今徵之迴渠亭有湯池徵陌是也然不經見難得而詳按秦寧公本紀云二年伐湯三年與亳戰亳王奔戎遂滅湯然則周桓王時自有亳王號湯爲秦所滅乃西戎之國葬于徵者也非殷湯矣劉向言殷湯無葬處爲疑杜預曰梁國蒙縣北有薄伐城城中有成湯冢其西有箕子冢今城內有故冢方墳疑卽杜元凱之所謂湯冢者也而世謂之王子喬冢冢側有碑題云仙人王子喬碑曰王子喬者蓋上世之

真人聞其仙不知興何代也博問道家或言潁川或言產
蒙初建此城則有斯丘傳承先民曰王氏墓暨于永和之
元年冬十二月當臘之時夜上有哭聲其音甚哀附居者
王伯怪之明則祭而察焉時天鴻雪下無人徑有大鳥跡
在祭祀處左右咸以為神其後有人著大冠絳單衣杖竹
立冢前呼探薪孺子伊永昌曰我王子喬也勿得取吾墳
上樹也忽然不見時令泰山萬熹稽故老之言感精瑞之
應乃造靈廟以休厥神于是好道之儒自遠方集或絃琴
以歌太一或覃思以歷丹丘知至德之宅兆實真人之祖
先延熹八年秋八月皇帝遣使者奉犧牲致禮祠濯之敬
肅如也全氏曰祠濯隸釋改作祗懼非是國相東萊王璋字伯儀以為神

水經注匯校

卷二十三

十一

聖所興必有銘表乃與長史邊乾遂樹之立石紀頌遺烈
觀其碑文意似非遠既在經見閱案經見官本譌作不能
不書存耳

獲水出汭水于梁都蒙縣北

漢書地理志曰獲水首受留獲渠亦兼丹水之稱也竹書
紀年曰宋殺其大夫皇瑗于丹水之上又曰宋大水丹水
壅不流蓋汭水之變名也獲水自蒙東出水南有漢故繹
幕令匡碑匡字公輔魯府君之少子也碑字碎落不可尋
識竟不知所立歲月也獲水又東逕長樂固北已氏縣南
東南流逕子蒙澤十三州志曰蒙澤在縣東春秋莊公十
二年宋萬與公爭搏殺閔公于斯澤矣獲水又東逕虞縣

故城北古虞國也昔夏少康逃奔有虞爲之庖正虞思于是妻之以二姚者也王莽之陳定亭也城東有漢司徒盛允墓碑允字伯世梁國虞人也其先爽氏至漢中葉避孝元皇帝諱改姓曰盛世濟其美以迄于公察孝廉除郎累遷司空司徒延熹中立墓中有石廟廟宇傾頽基構可尋獲水又東南逕空桐澤北澤在虞城東南春秋哀公二十六年冬宋景公遊于空澤辛巳卒于連中大尹左師與空澤之士千甲奉公自空桐入如沃宮者矣獲水又東逕龍譙固又東合黃水口水上承黃陂下注獲水獲水又東入櫟林世謂之九里柞獲水又東南逕下邑縣故城北楚考烈王滅魯頃公亡遷下邑又楚漢彭城之戰呂后兄澤軍

水經注

卷二十三

三

于下邑高祖敗還從澤軍子房肇捐地之策收垓下之師陸機所謂卽下邑者也王莽更名下治矣獲水又東逕碭縣故城北應劭曰縣有碭山山在東出文石秦立碭郡蓋取山之名也王莽之節碭縣也山有梁孝王墓其冢斬山作郭穿石爲藏行一里到藏中有數尺水水有大鯉魚黎民謂藏有神不敢犯神凡到藏皆潔齋而進不齋者至藏輒有獸噬其足獸難得見見者云似狗所未詳也山上有梁孝王祠獲水又東穀水注之上承碭陂陂中有香城城在四水之中承諸陂散流爲零水瀼水清水也積而成潭謂之碭水趙人有琴高者以善鼓琴爲康王舍人行彭涓之術浮遊碭郡間二百餘年後入碭水中取龍子與弟子

期日皆潔齋待于水旁設屋祠果乘赤鯉魚出入坐祠中
碣中可萬人觀之。閱案官本可上多留月餘復入水也。一有字今依戴本。水東注謂之穀水東逕安山北即碣北山也山有陳勝墓
秦亂首兵伐秦弗終厥謀死葬于碣諡曰隱王也穀水又
東北注于獲水獲水又東歷藍田鄉郭又東逕梁國杼秋
縣故城南王莽之予秋也獲水又東歷洪溝東注南北各
一溝溝首對獲世謂之鴻溝非也春秋昭公八年秋蒐于
紅杜預曰沛國蕭縣西有紅亭即地理志之瑯縣也景帝
三年封楚元王子富為侯國王莽之所謂貢矣蓋溝名音
同非楚漢所分也。

又東過蕭縣南睢水北流注之

案此六字原本及近刻並訛入注內唯訛作獲考注云即

水經注匯校 卷二十三

經所謂睢水也寔指經之文而言今改正

蕭縣南對山世謂之蕭城南山也戴延之謂之同孝山云
取漢陽城侯劉德所居里名目山也劉澄之云縣南有昌
山未詳孰是也山有箕谷谷水北流注獲世謂之西流水
言水上承梧桐陂陂水西流因以為名也余嘗逕蕭邑城
右惟是水北注獲水更無別水疑即經所謂睢水也城東
西及南三面臨側獲水故沛郡治縣亦同居矣城南舊有
石橋耗處積石為梁高二丈今荒毀殆盡亦不具誰所造
也縣本蕭叔國宋附庸楚滅之春秋宣公十二年楚伐蕭
蕭潰申公巫臣曰師人多寒王巡三軍撫之士同挾纊案近刻作拊而勉之三軍之士皆同挾纊乃後人據左傳之文所改蓋恩使之然矣蕭女聘齊

為頃公之母卻克所謂蕭同叔子也。獲水又東歷龍城不知誰所創築也。獲水又東逕同孝山北山陰有楚元王冢。上圓下方累石為之高十餘丈廣百許步經十餘墳悉結石也。獲水又東淨淨溝水注之水上承梧桐陂西北流即劉中書澄之所謂白溝水也。又北入于獲俗名之曰淨淨溝也。

又東至彭城縣北東入于泗

獲水自淨淨溝東逕阿育王寺北。或言楚王英所造非所詳也。蓋遵育王之遺法因以名焉。與安陂水合水上承安陂。餘波北逕阿育王寺側。水上有梁謂之玄注橋。水旁有石墓宿經開發石作工奇殊為壯構而不知誰冢疑即澄

水經注匯校

卷二十三

西

之所謂凌冢也。水北注注于獲。獲水又東逕彌黎城北。劉澄之永初記所謂城之西南有彌黎城者也。獲水于彭城西南迴而北流逕彭城城西北舊有楚大夫龔勝宅。即楚老哭勝處也。朱箋漢書王莽徵楚國龔勝勝不應徵不合而死時年七十九矣有老父來弔哭甚哀曰嗟乎薰以香自燒膏以明自銷龔生竟天年非吾徒也勝居彭城廉里後世刻石表其里門獲水又東轉逕城北而東注泗水北三里有石冢被開傳言楚元王之孫劉向冢未詳是否城即殷大夫老彭之國也。于春秋為宋地楚伐宋并之以封魚石。崔子季珪述初賦曰想黃公于邳圯勤魚石于彭城。趙氏一清曰勤舊作勒孫潛即校改事在春秋襄公九年是縣也。孟康曰舊名江陵為南楚。陳為東楚。彭城為西楚。文穎曰彭城故東楚也。項羽都焉。謂之西楚。漢祖定天下

以為楚郡封弟交為楚王都之宣帝地節元年更為彭城郡王莽更之曰和樂郡也徐州治城內有漢司徒袁安魏中郎將徐庶等數碑並列植于街右咸曾為楚相也大城之內有金城東北小城劉公更開廣之皆壘石高四丈列甃環之小城西又有一城是大司馬琅邪王所脩因項羽故臺經始即構宮觀門閣趙氏一清日閣為度閣之閣禮內則天子之閣漢天祿等閣皆謂重屋也閣為閭閣之閣文翁傳閭閣公孫宏東閣皆謂門也音義並異非可混稱下邑閣如初之閣亦同惟新厥制義熙十二年霖雨驟澍反水暴長城遂崩壞冠軍將軍彭城劉公之子也登更築之悉以博壘宏壯堅峻樓櫓赫奕南北所無宋平北將軍徐州刺史河東薛安都舉城歸魏魏遺博陵公尉苟仁城陽公孔伯恭援之邑閣如

水經注匯校

卷二十三

五

初觀不異昔自後毀撤一時俱盡間遺工雕鏤尚存龍雲逞勢奇為精妙矣城之東北角起層樓于其上號曰彭祖樓地理志曰彭祖縣古彭祖國也世本曰陸終之子其三曰錢是為彭祖彭祖城是也下曰彭祖冢彭祖長年八百縣壽永世于此有冢蓋亦元極之化矣其樓之側襟汲帶泗東北為二水之會也聳望川原極目清野斯為佳處矣何氏焯曰此卷水皆承大河故瀆

水經注匯校卷之二十三終